



Broj: 05/1-50-13-29-30/12

Sarajevo, 5.12.2012.

## ZAPISNIK

### 30. sjednice Nezavisnog odbora Parlamentarne skupštine BiH

Sjednica je održana 5.12.2012., s početkom u 10 sati.

Sjednicu je sazvaio Žiko Krunić, predsjednik Nezavisnog odbora.

Sjednici su prisustvovali: Žiko Krunić, predsjednik Nezavisnog odbora, Mato Jozić, drugi zamjenik predsjednika Nezavisnog odbora, Zijad Kadić, Stanko Nuić, Viktor Dadić, Ljubomir Kuravica, Enes Obralića i Dragan Savić, članovi Nezavisnog odbora.

Odsustvo sa sjednice opravdao je Bakir Dautbašić, prvi zamjenik predsjednika Nezavisnog odbora.

Sjednici su prisustvovala Ljerka Bojić i Ivana Lovrić iz Sektora za druga parlamentarna tijela Sekretarijata Parlamentarne skupštine BiH.

Sjednicu su pratile: Dijana Šatara, predstavnik OHR-a, i Medina Delalić iz Sektora za odnose s javnošću Sekretarijata Parlamentarne skupštine BiH.

Predsjednik Nezavisnog odbora Žiko Krunić konstatirao je da postoji kvorum za rad i otvorio sjednicu.

Nezavisni odbor jednoglasno je usvojio predloženi

## DNEVNI RED

1. Usvajanje Zapisnika 29. sjednice, održane 19.11.2012.;
2. Razmatranje Informacije direktora Državne agencije za istrage i zaštitu upućene Nezavisnom odboru, akt broj: 05/1-50-19-1275/12, od 15.11.2012.;
3. Razmatranje dopisa direktora Direkcije za koordinaciju policijskih tijela BiH i direktora Granične policije BiH upućenih Nezavisnom odboru u vezi sa zaključkom Nezavisnog odbora s 1. hitne sjednice;
4. Tekuća pitanja
  - Zabilješka sa sastanka članova Nezavisnog odbora s direktorom Granične policije BiH.

### **Ad.1. Usvajanje Zapisnika 29. sjednice, održane 19.11.2012.**

Predsjednik Nezavisnog odbora Žiko Krunić otvorio je raspravu o ovoj tački dnevnog reda.

S obzirom da nije bilo primjedbi, Zapisnik 29. sjednice, održane 19.11.2012., usvojen je jednoglasno.

### **Ad.2. Razmatranje Informacije direktora Državne agencije za istrage i zaštitu upućene Nezavisnom odboru, akt broj: 05/1-50-19-1275/12, od 15.11.2012.**

Predsjednik Nezavisnog odbora Žiko Krunić u uvodu je podsjetio članove da je direktor Državne agencije za istrage i zaštitu dostavio kratku informaciju Nezavisnom odboru da je Državna agencija za istrage i zaštitu Tužilaštvu BiH dostavila Dopunu izvještaja o počinjenom krivičnom djelu iz člana 244. KZBiH protiv Marka Dominkovića, zamjenika direktora Državne agencije za istrage i zaštitu.

Otvorio je raspravu o ovoj tački dnevnog reda.

U raspravi su učestvovali svi prisutni članovi Nezavisnog odbora.

Na kraju, Nezavisni odbor jednoglasno je usvojio **zaključak**:

Traži se od direktora Državne agencije za istrage i zaštitu da Nezavisnom odboru dostavi kompletnu informaciju o navodima iz akta broj: 05/1-50-19-1275/12, od 15.11.2012., kako bi Nezavisni odbor mogao postupati u skladu sa svojim nadležnostima.

### **Ad.3. Razmatranje dopisa direktora Direkcije za koordinaciju policijskih tijela BiH i direktora Granične policije BiH upućenih Nezavisnom odboru u vezi sa zaključkom Nezavisnog odbora s 1. hitne sjednice**

Predsjednik Nezavisnog odbora Žiko Krunić u uvodu je naglasio da su direktor Direkcije za koordinaciju policijskih tijela BiH i direktor Granične policije BiH postupili u skladu sa zaključkom Nezavisnog odbora usvojenim na 1. hitnoj sjednici, održanoj 14.9.2012., i Nezavisnom odboru dostavili listu problema s kojima se susreću u radu, o čemu Nezavisni odbor treba informirati Parlamentarnu skupštinu BiH.

Otvorio je raspravu o ovoj tački dnevnog reda.

U raspravi su učestvovali svi prisutni članovi Nezavisnog odbora.

Na kraju, Nezavisni odbor jednoglasno je usvojio sljedeće **zaključke**:

1. Nezavisni odbor će, u skladu s Planom rada Nezavisnog odbora za 2012. godinu, održati sastanak s direktorom Direkcije za koordinaciju policijskih tijela BiH, nakon kojeg će, u okviru svojih zakonskih ovlaštenja, informirati Parlamentarnu skupštinu BiH o stanju u ovoj agenciji i o potrebi rješavanja problema navedenih u dopisu.
2. Traži se od Granične policije BiH da dopuni svoju informaciju u kojoj su nabrojani problemi na način da se navede šta je Granična policija BiH preduzimala u vezi s tim problemima, kojim institucijama i organima se obraćala, te da precizira koje od navedenih problema može razmatrati Nezavisni odbor Parlamentarne skupštine BiH u okviru svoje nadležnosti.
3. Poslati urgenciju Državnoj agenciji za istrage i zaštitu da postupi u skladu sa zaključkom Nezavisnog odbora s 1. hitne sjednice i dostavi listu problema s kojima se susreće u radu, kako bi Nezavisni odbor mogao o tome informirati Parlamentarnu skupštinu BiH.

#### **Ad.4. Tekuća pitanja**

- Zabilješka sa sastanka članova Nezavisnog odbora s direktorom Granične policije BiH

Predsjednik Nezavisnog odbora u uvodu je podsjetio da su Mato Jozić, drugi zamjenik predsjednika, Zijad Kadić i Ljubomir Kuravica, članovi Nezavisnog odbora, posjetili Graničnu policiju BiH i održali sastanak s direktorom Vinkom Dumančićem i zamjenikom direktora Enesom Gačaninom. Otvorio je raspravu o ovoj tački dnevnog reda.

Mato Jozić je ukratko informirao članove Nezavisnog odbora o sastanku s rukovodstvom Granične policije BiH.

Članovi Nezavisnog odbora primili su k znanju Zabilješku sa sastanka članova Nezavisnog odbora s direktorom i zamjenikom direktora Granične policije BiH.

Sjednica je završena u 11,30 sati.

Sekretar  
Nezavisnog odbora  
Alma Salkić-Mijić

Predsjednik  
Nezavisnog odbora  
Žiko Krunić